



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Sermo I. Innocentii Papae III. In Concilio Generali Lateranensi Habitvs.

**urn:nbn:de:hbz:466:1-15974**

138 INNOCENTIVS CONCILIVM FRIDERICVS II.  
P. III. IMP.

valeamus. Tu denique, venerabilis frater in Christo, tua-  
rum nobis apud iustissimum Iudicem & piissimum Pa-  
trem orationum impertire suffragium, quo plurimum  
indigemus.

ANNO  
CHRISTI  
1245.

## S E R M O . I. INNOCENTII PAPÆ III.

IN CONCILIO GENERALI LATERANENSI HABITVS.

*Desiderio desiderauit hoc pascha manducare vobiscum,  
antequam patiar, id est, antequam  
moriar. Lucae 22.*

*Philip. 1.*

*Eze. 22.*

*Psalms. 113.*

*Cant. 2.*

*1. Petr. 2.*

*Ecclesiasticus 23.*

*Luc. 22.*

**Q**VIA mihi viuere Christus est, & mori lucrum, non  
abnuo, si dispositum est a Deo, bibere calicem pa-  
ssionis, siue pro defensione fidei catholicæ, siue pro subsi-  
dio terræ sanctæ, siue pro statu ecclesiasticæ libertatis, mi-  
hi fuerit propinatus : quamquam desiderem in carne per-  
manere, donec consummetur opus incepsum. Verumta-  
men non mea, sed Dei voluntas. Et ideo dixi vobis: *De-  
siderio desiderauit hoc pascha manducare vobiscum, antequam pa-  
tiar.* Multa sunt & varia hominum desideria: quis ea suf-  
ficit explicare? Omnia tamen reduci possunt ad duo, spi-  
rituale videlicet & carnale: spirituale, quod de cœlesti-  
bus & æternis; carnale vero, de temporalibus & terrenis.  
De isto Propheta dicit in psalmo: *Concupiuit anima mea de-  
siderare iustificationes tuas in omni tempore.* Et Sponsa dicit in  
Canticis: *Sub umbra illius quem desideraueram sedi: & fructus  
eius dulcis gutturi meo.* De illo dicit Apostolus: *Desideria car-  
nis fugite, quæ militant aduersus animam.* Et alias: *Desiderium  
malignum longe fac a me.* Ego autem illius inuoco testimo-  
nium, qui testis est in cœlo fidelis, quod non carnali, sed  
spirituali desiderio desiderauit hoc pascha manducare vo-  
biscum: non propter commoditatem terrenam, aut glo-  
riam temporalem, sed propter reformationem vniuersali  
ecclesiæ, ad liberationem potissimum terræ sanctæ: pro-  
pter quæ duo principaliter & præcipue hoc sacrum Con-  
cilium conuocauit. Sed forte dicetis: Quid est hoc pascha  
quod desideras manducare nobiscum? Pascha namque diuer-  
sis modis accipitur in scripturis diuinis. Pro die, vnde: *Ap-  
propinquauit dies etymorū, qui dicitur pascha:* pro hora, vnde:

ANNO CHRISTI  
1215.

Quartadecima ad vesperam pascha Domini est. Pro agno, vnde: *Venit dies azymorum, quando necesse erat occidi pascha.* Levit. 23. Lyc. 22.  
Pro azymo, vnde: *Non introierunt prætorium, ut non contaminearentur, sed comedenter pascha.* Pro festo, vnde: *Ante diem festum paschæ, sciens Iesus quia venit hora eius, ut transeat de hoc mundo ad Patrem.* Et etiam pro ipso Christo, vnde: *Pascha nostrum immolatus est Christus.* Sane pascha Hebraice dicitur Exod. 12.  
phase, quod est transitus, Græce vero *a πάσχει*, quod est pati: quia per passiones debemus transire ad gloriā, secundum quod Veritas ipsa dicebat: *Oportebat pati Christum, & sic intrare in gloriam suam.* Quia si volumus conregnare, oportet & compati: licet non sint condignæ passiones huius temporis ad futuram gloriam quæ reuelabitur in nobis. *Hoc pascha, quod est phase, id est transitus, desiderio desideravi manducare vobiscum.* De quo in Exodo dicitur: *Comedent festinanter.* Est enim phase, id est transitus Domini. Legitur quippe in libro Regum, & in Paralipomenon 1. Reg. 24.  
2. Paral. 35. apertissime continetur, quod 18. anno regni Iosia regis restauratum est templum, & celebratum est phase, quale non fuit factum in Israel a diebus iudicium atque regum. Vtinam hæc historia instantis temporis sit parabola, vt in hoc nostri pontificatus anno 18. templum Domini, quod est ecclesia, restaretur, & celebretur phase, siue pascha, videlicet hoc solenne Concilium, per quod fiat transitus de virtutis ad virtutes, quale reuera non fuit factum in Israel a diebus iudicium atque regum, id est a temporibus patrum sanctorum, atque catholicorum principum, in populo Christiano, Deum vidente per fidem. Et ego pro certo spero in eo qui suis promittit fidelibus, dicens: *Vbi cumque sum: duo vel tres congregati fuerint in nomine meo, ibi in medio eorum sum:* quia ipse in medio nostrorum adest, ad celebrandum hoc pascha, qui congregati sumus in hac Saluatoris basilica in nomine Saluatoris, pro his quæ pertinent ad salutem. Triplex autem pascha siue phase desidero vobiscum celebrare, corporale, spirituale, æternale; corporale, vt fiat transitus de loco ad locum, pro miserabili Ierusalem liberanda; spirituale, vt fiat transitus de statu ad statum pro vniuersali ecclesia reformanda; æternale, vt fiat transitus de vita in vitam pro cælesti gloria obtainenda. De corporali transitu clamat ad nos miserabiliter Ierusalem *Concil. Tom. 28.*

*Thren. 1.* in Threnis per Ieremiam: *O vos omnes qui transitis per viam,* <sup>ANNO CHRISTI  
1235</sup> *attendite, & videte, si est dolor similis, sicut dolor meus.* Ergo transite ad me omnes qui diligitis me, ut a tanta miseria me liberetis. Ego enim, quæ solebam esse domina gentium, modo facta sum sub tributo: quæ solebam esse plena populo, modo sedeo quasi sola. *Viae Sion lugent, eo quod non sint qui veniant ad solennitatem:* facti sunt hostes eius in capite: loca sancta profanata sunt vniuersa, & sepulcrum Domini est inglorium, quod solebat esse gloriosum. Vbi colebatur vngenitus Dei Filius Iesus Christus, modo colitur filius perditionis Machometus. Insultant mihi filii alieni, & improverant lignum Crucis, dicentes: Confidebas in ligno: ecce nunc adiuuet, si potest. O quantus pudor, quanta confusio, quantum opprobrium, quod filii ancillæ, vilissimi Agareni, detinent matrem nostram, matrem vniuersorum fidelium ancillatam! illam utique de qua dicit Psalmista: *Mater Sion dicit: Homo, & homo natus est in ea, & ipse fundauit eam Altissimus:* ubi Deus rex noster ante saecula salutem in medio terræ dignatus est operari. Quid itaque faciemus? Ecce ego, dilecti fratres, totum me vobis committo, totum me vobis expono, paratus iuxta consilium vestrum, si videritis expedire, personalem subire laborem, & transire ad reges, & principes & populos & nationes: adhuc autem & ultra, si clamore valido eos valeam excitare, ut surgant ad Domini prælium præliandum, & vindicandam iniuriam Crucifixi, qui pro peccatis nostris electus est de terra, & de sede sua, quam sanguine comparauit, & in qua vniuersa redēptionis nostræ sacramenta peregit. Quidquid tamen egerint alii, nos sacerdotes Domini hoc negotium specialiter assumamus, subuenientes & succurrentes, in personis & rebus, necessitatibus terræ sanctæ, ita quod nullus omnino remaneat, qui non sit particeps tanti operis, ne sit expers tantæ mercedis. Nam & olim in simili casu per sacerdotes fecit Deus salutem in Israel, quando per *1. Mach. 4.* chabæos, utique sacerdotes, filios Matthatia, liberauit Ierusalem & templum de manibus impiorum. De spirituali vero transitu Dominus ait ad virum vestitum lineis, habentem atramentarium scriptoris ad renes: *Transi per medium ciuitatem, & signa Thau super frontes virorum gemen-*

ANNO  
CHRISTI  
LXII. tium atque dolentium super cunctis abominationibus quæ sunt  
in medio eius. Deinde dixit sex viris habentibus vasa inter-  
ritus in manibus suis : Transite per ciuitatem, sequentes eum, &  
percutite omnem, super quem non inuenieritis Thau. Nemini parcat  
oculus uester, & a sanctuario meo incipite. Vir uestitus lineis,  
habens atramentarium scriptoris ad renes eius, is debet  
esse qui loquatur, vir virtutibus virens, qualis erat ille de  
quo dicit scripture: *Vir erat in terra Hus nomine Iob, & erat vir* Iob. 1.  
*iste simplex & rectus, ac timens Deum, & recedens a malo. Vestitus*  
*lineis, id est honestis moribus, & bonis operibus adornatus.*  
Iuxta quod alibi dicitur : *Omni tempore vestimenta tua sint can-* Ecd. 9.  
*dida, id est opera tua munda.* Linum enim munditiam &  
honestatem designat propter candorem, ad quem per car-  
nis macerationem & contritionem perducitur, de quo ve-  
stis sacerdotalis siebat in lege. Scriptor autem egregius &  
supremus Spiritus sanctus est digitus Dei, quo scriptæ fue-  
runt duæ tabulæ testamenti. De quo dicit Psalmista : *Lin-* Psal. 44.  
*guæ mea calamus scribæ velociter scribentis.* Huius scriptoris  
atramentarium est donum scientiæ, de quo per calamum  
linguæ atramentum doctrinæ profertur, & in cordis su-  
perscribitur pergameno. In renibus sedes est desiderii, de  
quibus Dominus præcipit : *Renes uestros accingetis.* Et Psal- Exod. 12.  
mista orabat ad Dominum : *Vre renes meos & cor meum.* Il- Psal. 15.  
le igitur habet atramentarium scriptoris, qui per donum  
scientiæ sibi a Spiritu sancto datum desideria carnis cohi-  
bet & restringit, ut vita non discrepet a doctrina, ne sibi-  
ipsi dicatur : *Medice cura te ipsum: qui prædicas non furandum,*  
*furaris: qui doces non mæbandum, mæcharis.* Propterea Ve- Luc. 4.  
ritas ait : *Sint lumbi uestri præcincti, & lucernæ ardentes in ma-* Rom. 13.  
*nibus uestris.* Hinc transire præcipitur per medium ciuitatem, & signare Thau super frontes virorum gementium  
& dolentium. T est ultima litera Hebraici alphabeti, ex-  
primens formam Crucis, qualis erat antequam Domino  
crucifixo Pilatus titulum superponeret; quam & sanguis  
agni positus super vtrumque postem, & in superliminari-  
bus domorum mirifice designabat. Hoc signum gerit in  
fronte, qui virtutem Crucis ostendit in opere : vt iuxta  
quod dicit Apostolus, *Crucifixat carnem suam cum vitiis &* Gal. 5.  
*concupiscentiis: idemque cum Apostolo dicat: Mibi absit glo-* Gal. 6.  
*riari, nisi in Cruce Domini nostri Iesu Christi, per quem mihi mundus*

crucifixus est, & ego mundo. Tales profecto dolent & geomunt super cunctis abominationibus, quæ sunt in medio ciuitatis, quia peccata proximorum frixoria sunt iustorum. *Quis*, inquit Apostolus, *infirmitur, & ego non infirmor? quis scandalizatur, & ego non uxor?* Vir ergo vestitus lineis habens atramentarium scriptoris ad renes debet transire per medianam ciuitatem, & signare Thau super frontes virorum gementium & dolentium super cunctis abominationibus, quæ sunt in medio eius: quoniam summus pontifex, qui super domum Israel constitutus est speculator, transire debet per vniuersam ecclesiam, quæ est ciuitas Regis magni, ciuitas posita supra montem, inuestigando & inquirendo merita singulorum, ne dicant bonum malum, vel malum bonum, ne ponant tenebras lucem, & lucem tenebras, ne mortificant animas quæ non moriuntur, aut viuificant animas quæ non viuunt. Et ideo, ut distinguat & discernat inter illos & istos, debet signare Thau super frontes virorum gementium & dolentium, quatenus ostendat eos, qui dolent & geomunt super abominationibus quæ in medio ecclesiæ perpetrantur, signatos esse Thau in frontibus suis. Tales profecto proculpa dolent, & pro infamia geomunt super abominationibus, quæ sunt in medio ciuitatis: quoniam intantum iam processit abominatio, quod & infamis est culpa, & est culpa infamia. Vnde si foderimus studiose parietem, sicut prophetæ præcipitur, videbimus abominationes maiores, abominationes pessimas, quas nonnulli exercent in templo. Sex viri habentes vas interitus unusquisque in manu sua, vos esse debetis viri virtutum: sex quidem propter numeri sacramentum, ut perfecti sitis in opere ac sermone: senarius enim numerus est perfectus, eo quod redditur ex suis partibus aggregatis. Vnde sexta die perfectit Deus cælum & terram, & omnem ornatum eorum. Et cum in plenitudine temporis sexta venisset ætate, sexta die, sub hora sexta, genus redemit humanum. Ideoque sex ultima verba dixit in Cruce. Vas interitus, quod tenere debetis in manibus vestris ad interimum scelostos, est pontificalis auctoritas, quam exercere debetis in opere ad perimum iniquos, exemplo Psalmistæ dicentis: *In matutino interficiebam omnes peccatores terræ, ut disperderem de ci-*

*Iff. 5.**Ezech. 13.**Ezech. 12.**Gen. 1.**Psal. 100.*

ANNO CHRISTI  
1135.  
uitate Domini omnes operantes iniquitatem. De his vasis alibi  
dicitur: *Tetendit arcum suum, & parauit illum, & in ipso pa-* Psal. 7.  
*rauit vasa mortis: sagittas suas ardentibus effecit.* Vobis ergo  
præcipitur: Transite per medium ciuitatem, sequentes  
eum, sumnum videlicet sacerdotem, quasi ducem, prin-  
cipem & magistrum, ut percutiatis interdicendo & sus-  
pendendo, excommunicando & deponendo, prout culpæ  
qualitas postulauerit, omnem super quem non inueneritis  
Thau signatum ab ipso qui claudit & nemo aperit, aperit  
& nemo claudit. Signatis enim nocendum non est, iuxta  
quod alibi dicitur: *Nolite nocere terræ, neque mari, neque arbo-* Apoc. 21.  
*ribus, quo ad usque signemus seruos Dei nostri in frontibus eorum.* De  
ceteris autem dicitur: *Nemini parcat oculus vester, vt non sit* Ezch. 9.  
in vobis personarum acceptio, recolentibus illud quod  
Moyses legitur dixisse Leuitis: *Si quis est Domini, iungatur mi-* Exod. 31.  
*bi. Ponat vir gladium super femur suum. Ite, & redite de porta vs-*  
*que ad portam per medium castrorum, & occidat unusquisque fra-*  
*trem, & amicum, & proximum suum.* Feceruntque filii Levi iuxta  
sermonem Moysi. Et vos similiter faciatis. Porro sic percutite,  
vt sanetis: sic occidite, vt viuiscetis, eius exemplo qui ait:  
Ego occidam, & ego viuere faciam: percutiam, & ego sanabo. Dent. 32.  
Et a sanctuario meo, inquit, incipite. Tempus enim est, sicut bea- Ezch. 9.  
tus Apostolus ait: *ut iudicium incipiat a domo Domini.* Nam  
omnis in populo corruptela principaliter procedit a cle- 1. Pet. 4.  
ro: quia si sacerdos, qui est uictus, peccauerit, facit de- Lemit. 4.  
linquere populum: quippe dum laici vident turpiter & e-  
normiter excedentes, & ipsi eorum exemplo ad iniquita-  
tem & scelera prolabuntur. Cumque reprehenduntur ab  
aliquo, protinus se excusant, dicentes: Non potest filius fa-  
cere nisi quod viderit patrem facientem: & sufficit disci- Ioan. 5.  
pulo, si sit sicut magister eius. Impletum est illud propheti- Osea 4.  
cum: *Erit sicut populus, sic sacerdos: quinimo, erubescet Sidon, ait* Isa. 23.  
*mare.* Hinc etiam mala prouenerunt in populo Christiano. Perit fides, religio deformatur, libertas confunditur,  
iustitia conculcatur, haeretici pullulant, insolescunt schi-  
smatici, perfidi saeuunt, præualent Agareni. De transitu  
autem æternali Dominus ait: *Beati sunt serui illi, quos, cum* Luct. 12.  
*venerit Dominus, inuenerit vigilantes: amen dico vobis, quod*  
*præcingeret se, & faciet illos discumbere, & transiens ministrabit*  
*eis.* De hoc transitu sane martyres gloriantur in psalmo,

*Psal. 65.* dicentes: *Transiimus per ignem & aquam, & induxi istinos in refrigerium.* Hoc pascha præ ceteris desidero manducare vobiscum in regno Dei. Est autem manducatio corporalis & spiritualis. De illa dicitur: *Date illis manducare:* de ista dicitur: *Matla, & manduca.* Item manducatio culpe, & manducatio poenæ. De illa dicitur: *Manducauerunt sacrificia mortuorum:* de ista legitur: *Gladius meus manducabit carnes.* Rursus est manducatio doctrinalis, & est manducatio pœnitentialis. De illa dicitur: *Ego cibum habeo manducare quem vos nescitis:* de ista legitur: *Cinerem sicut panem manducauerunt.* Est præterea manducatio eucharistiæ, & manducatio gloriae. De illa dicitur: *Qui manducat me, vita vinet propter me:* de ista legitur: *Beatus qui manducabit panem in regno Dei.* Hac vltima manducatione præcipue desidero manducare vobiscum hoc pascha, vt transeamus de labore ad requiem, de dolore ad gaudium, de infelicitate ad gloriam, de morte ad vitam, de corruptione ad æternitatem; præstante Domino nostro Iesu Christo, cui est honor & gloria in sæcula sæculorum. Amen.

## S E R M O I I.

## INNOCENTII PAPÆ III.

IN CONCILIO GENERALI LATERANENSI HABITVS.

*Psal. 67.* *Si dormiatis inter medios cleros, pennæ columbæ deargentatae,*  
*& posteriora dorsi eius in specie auri.*

**D**uo sunt nobis ad meritum necessaria, vita scilicet & doctrina. Alterum propter nos, alterum propter proximos. Coepit enim Iesus docere & facere, nobis relinquens exemplum, vt sequamur vestigia eius, qui peccatum non fecit, nec inuentus est dolus in ore eius: peccatum non fecit, vt sit honestas in vita; nec inuentus est dolus in ore eius, vt sit veritas in doctrina. Quæ duo commendantur nobis in verbis propositis. De vita præmittitur: *Si dormiatis.* De doctrina subiungitur: *Inter medios cleros.* Hinc est igitur, quod a ueste pontificali dependebant mala granata, cum tintinnabulis aureis. Per malum granatum accipitur operatio, per tintinnabulum aureum intelligitur prædicatio: quæ duo debent in sacerdote coniungi, ne sine illis ingrediens sanctuarium moriatur.

*Quia*